

65723

清代閨閣詩人徵略

齊代閭閻詩人徵略

清代閨閣詩人徵略卷四

崇明施淑儀學詩

陸鳳池

鳳池青浦人閨職知縣祖彬女兵科給事中上海曹一士室有梯仙閣集

一士未第時負重名遊四方氏任奉養加意定省能令二人忘其子之不在左右者先是一士元配張氏國子監典簿永岳女性至孝既沒恐難爲繼至是乃以履得孝婦爲幸然家貧率爲無米之炊暇好吟咏尤喜讀離騷營私語曰吾愛楚詞恐年不永已而果亡年二十七一士檢其生平所著爲一帙

名梯仙閣餘課陳鵬年儲大文焦袁焘爲之序見文淵閣書目

上海縣志

歸先生時年才十七奮具旁皆文史也尤愛楚詞針黹暇必朗誦之侍婢私語曰夫人所誦與在家時何異先生因贈詩云幽意閒情不自知碧窗吟遍楚人詞添香侍女聽來慣笑說書聲似舊時因戒夫人曰卿愛屈子詞此生不當得意已而果亡

詩話

曹錫珪

錫珪字采繁上海人兵科給事中一士女知縣葉承室有拂珠樓詩鈔

承出宰常山尋改教授歸氏飯蔬安貧吟詠自得

上海縣志

曹錫淑

錫淑字采苻上海人錫珪妹同里舉人陸正笏室副都御史錫熊母有晚晴樓集

錫淑承其家學具有執範大致以性情深至爲主不規規於僣偶聲律之間

云

四庫全書

自幼能詩雖貧不廢子錫熊少受詩學於母嘗有句勗之云漢魏遺風還近

古休教墮入野狐禪

上海縣志

采苻母陸鳳池早卒姊妹幼撫於伯母采苻十歲學爲詩卽解源流督兒錫

熊讀書甚嚴詩集採入四庫全書

正始集

曹錫堃

錫莖字采藻錫淑妹正笏繼室有五老堂詩稿

能詩如其姊時錫熊官京師家寒如故氏料理子女婚嫁撫育諸孫心力俱

瘁者五十年姊妹皆以子貴贈夫人

上海縣志

朱影蓮

影蓮上海人崑山徐子羔室

工詩善簫有句云按簫幾度徘徊立不忍臨風送落花三年夫亡每讀名媛詩輒掩卷痛哭尋卒詩遂散失曹夫人錫淑爲中表行最相契有哭影蓮詩

十律見晚晴樓稿

上海縣志

趙婉揚

婉揚字蕓芸上海人貢生旭生女教授徐秉哲聘室未嫁卒有幽蘭室詩草其間雁一律云秋意寥寥逼夜清征鴻作陣警深更響傳天末乘風急影掠寒空帶月明金屋夢回他日恨玉關腸斷此時情鳳簫鸞管尋常聽可有冰

絃爲寫聲

上海縣志

董雪暉

雪暉江蘇華亭人諸生姚廷鑾室有飛霞閣詩鈔

雪暉好讀書爲文磊落有奇氣與曹錫珪稱閨中莫逆

正集姑

孫淡霞

淡霞華亭人諸生廣益女青浦曹策彝室有焚餘草

婚一月而寡逮事其姑婉婉循婦道教督嗣子鈞長有文名淡霞工詩既寡

焚其草流布者婁縣沈大成序之

青浦縣志

顧步

步字佩薇自號定閣女史青浦人徐舜廷室有絮愁集

步守苦節以終悲思苑結一發於詩

青浦縣志

王芬

芬字蕙田江蘇婁縣人諸生唐壽椿室有十燕巢閣遺稿

蕙田七歲作夜坐偶成詩有月上千峯靜句聞其多詠古詩七古妥貼排纂

善學昌黎惜未之見

正始集

張屯

屯字麗然江蘇婁縣人貢生緒念劬室有小華蓀集

麗然早寡撫遺腹子督課甚嚴工卜筮研究易理著易道入門二卷

正始集

陳婉

婉字□□青浦人樹德女

讀書穎慧青韻列女傳如流大母呂氏工詩婉從受詩法年十七卒樹德悉取遺稿以殉惟雨後一聯歸巢鳥刷沾泥羽垂釣船堆帶雨蓑傳於人口呂盤屋知縣櫟女也

青浦縣志

俞瑛

瑛字□□青浦人玉海女卒年十九

瑛生七月卽能言讀書有慧悟嘗自謂前生是苦行僧云事親懽喜庭中月季花一本瑛植之而活數年花萎謝而瑛亦死瑛詩附玉海集後其詠田家

四首桑麻鷄犬能寫幽風勤儉之旨人以爲風格遠勝其父詩也

青浦縣志

許在璞

在璞字玉仙號冰壺老人江蘇常熟人陸敘臣室有小丁卯集梅花迴文百

律茹荼百詠

冰壺工文翰善奕守志六十年以苦節稱族孫女陸似賢錄其集付梓

正始集

潘淑清

淑清常熟人

年二十九夫與舅姑相繼歿無子女族人覲覲遺賞朝夕逼嫁淑清營葬後以其家讓族人子身依母家母歿居家廟中一婢相隨紡織度日常有句云
老梅修竹相爲伴霜雪侵凌不記年乾隆六年旌

蘇州府志

吳靜

靜字定生昭文人棟才女項肇基室有飲冰集

夫病革謂氏曰老母在毋殉我旣殮局戶自縊姑救之曰爾毋忘爾夫言乃

止二年姑歿又自經母救之曰姑與夫未葬汝不得死及營葬畢遂不食死

年二十六

蘇州府志

尤喜觀資治通鑑匣中嘗置一編歿後遺集二卷落花則有不爲留春偏歎
息生來薄命本無終之句翫月則有一點清光塵不染千秋心事月同明之
句斯則松筠在骨冰雪根心懼傷親意畢命枉席非其志矣觀其自序曰間
有所作不過自適已事以當痛哭要皆有爲而言非無病呻吟也烏呼孰謂
婦也而以疾死哉

席氏閨集長

蘇瑛

瑛字若修江蘇常熟人知府本潔女庶吉士邵齊烈室

妹瑤字若和琬字若柔瑗字若涵琇字若瑩俱工詩

正始
陳集

薛瓊

瓊字素儀江蘇長洲人布衣李崧室

崧字靜山隱居鵝湖浣香閣夫妻倡和蕭然自得

正始
集

清代閨閣詩人徵略

卷四

四

錢蕙

蕙字凝香江蘇吳縣人通判珍南女貢生徐燦室有蘭餘小草

凝香能以髮代絲繡古佛大士像及宮裝美人不減龍眠白描

正始集

珍南家有眺湖閣蕙十二歲時作眺湖閣詩有佳句珍南異之延名師教以詩其平生有古近體詩四卷性尤愛蘭故自署其詩曰蘭餘小草蕙工繡人物以髮代絲繡古佛像儼若圖畫年三十九得疾卒疾革時猶手執蘭題詩二句令以蘭煮水漱口拭體而逝

蘇州府志

錢宛鸞

宛鸞字翔青吳縣人張口室有玉泉草堂詞

翔青美姿容工翰墨風流儒雅擅絕三吳讀其詩如魂迷蝶枕三更夢腸斷花箋一幅詩又云翠屏斜倚思無奈夢逐飛花過小橋豈非自爲寫照

集註

話

翔青妹宛蘭字卉玉適吳太史宏安能詩工畫

江蘇詩餘

許衡

衡字若州吳門李春亨室早卒有繡餘遺稿

集中語多新穎如看月云耐涼常廢寢欲缺每關情落葉云打窗醒夢蝶堆
砌護寒蟲秋園云總使秋園好看來亦可憐草枯依病蝶樹脫懸殘蟬秋寺
云菊色澹禪思蟲聲參梵音無情惟古佛能耐寂寥心秋海棠云一叢小院
深深閉幾處無人澹澹粧殘梅云高士病餘寒至此美人老去韻猶存杏花
春雨詞云絕似美人新送別亂拋紅淚立風前秋懷云不怕秋聲聽不慣祇
愁無地種芭蕉

詞川
秀詩話

吳瑛

瑛字雪帽吳縣人席允成室有玉壺集

性不耐俗琴瑟失調雪帽令其置妾以抱衾稠自居虛室焚香啜茗繙閱書
畫研弄筆墨偶與允成相見真如賓也未幾允成中讒時有終風之暴氏鬱
鬱不得志又家計日落境益窮蹙有姑母許居郡城哀其遇而憐其才延爲

女孫師閱歲始歸及許卒氏無所依懽悴以歿

蘇州府志

葛覃

覃字文娥吳縣人震甫從孫女有還讀齋合稿

文娥與陸覺菴陳啓淑吳雪帽冰香相唱和

七十二學
足徵錄

顧信芳

信芳字湘英江蘇吳縣人庶吉士秉直女諸生程鍾室有生香閣詩鈔

鍾字在山有才名偕湘英隱居逸園園在西磧山下面臨太湖中建騰嘯臺

正望飄緲諸峯有古梅百株環繞左右

正始集

徐秀芳

江蘇吳江人蟾女

秀芳與妹彩霞同歸李氏爲妯娌日相倡和

正始集

早慧與妹彩霞俱好吟咏秀芳適同里監生李大咸婚二載大咸病劇秀芳割臂肉和藥以進不效旋爲妹覺遂傳於外夫亡三載抑鬱卒彩霞適李大

福痛姊殉夫感傷亦早卒

蘇州府志

姚棲霞

棲霞吳江人布衣岱女有剪愁吟

生性端淑質尤聰慧五六歲時教之識字輒辨四聲女經閨訓略皆上口顧貧家之女荆布操作是其本分未十歲即命習女紅不復以誦讀爲事兼之家無婢僕炊汲縫紉賴女佐力而酷嗜書卷稍有餘閒則取唐宋諸家詩集篝燈嚙誦不可禁止已而漸事吟詠針箱線帖之旁雜置筆牀硯匣久之所作居然可觀不幸年僅十七遽以療疾殞儻天假之年則所存當不止寥寥一編而已也悲夫

姚岱亡女吟稿序

張采葭

采葭江蘇丹徒人進士儲兆豐室有松陰閣吟稿

采葭爲女史曹我聞女與姊采葭幼承母教均以詩名

正始集

湯朝

朝字蕉雲號樵楹又號華嚴女子江蘇金壇人諸生沈子慕室有蕉雲詩集
笙磬同音集

蕉雲夫婦避地義興所居一畝之宮流水環繞隙地皆植梅菊倡酬相對卒

葬黃龍山子慕爲築埋詩亭於墓側

正始集

張靜懿

靜懿字瑤雪江蘇丹陽人汪廷鳳室

瑤雪幼字汪生汪早卒乃歸夫家守志其舅不能容里黨欲代訴之官瑤雪

曰以兒故許翁短異日何以見其子於地下

正始續集

張瓊娘

瓊娘字□□武進人同邑段玉函室有憐影軒詩集

段玉函號懷芳子自刻小印曰情澹與婦瓊娘詩詞相倡和家甚貧瓊娘勤
女紅夜常不眠坐幼兒於側親授之書玉函遊數月不返歸則攜空橐瓊娘
笑相慰未嘗言有無也庭宇淺隘避邑徙鄉玉函出則終日扃戶稚子獨嬉

戲庭下拾花弄草啼笑聲罕聞自題其軒曰憐影著憐影軒詩集慰玉函曰
君遊幸無念我但見人詩詞及自題詠者必寫之以歸探囊中得佳句勝黃
金也玉函自橫山喚渡過樊川聞姑惡聲入破菴無僧累甃座佛龕前俯首
枕雙膝聽之天且晚題詩龕壁而去姑惡者野鳥也色純黑似鴉而小長頸
短尾足高巢水傍密篠間三月末姑鳴鳴自呼急俗言此鳥不孝婦所化
天使乏食哀鳴見血乃得曲蠶水蟲食之鳴常徹夜烟雨中聲尤慘也詩云
樊川林外一溪烟姑惡新聲最可憐客裏任他春自去陰晴休問落花天瓊
娘和云池塘春草淡生烟瘦影如君兩自憐殘日半輪回望處粉紅雲色玉

藍天

西青
散記

徐映玉

映玉字若冰昆山山人孔某室有南樓吟稿卒年三十六

媛幼警慧柔婉靜莊喜讀書稱詩巧鍼縷佩服櫛珥必修潔初生時母夢梅
花一枝墮於庭長而愛梅句花開行吟其下每風雨至顛而泣若有甚傷於

心者家人竊怪之父善弈媛旁觀覆不失一學琴得虞山指法既嫁曰此非婦人事也遂輟不爲其父母以無子依壻居媛奉舅姑處娣姒遇宗黨姻戚

內外無間言不以親在夫家爲嫌也

沈大成徐樸傳

生平多愁善怨俯仰太息中鬱鬱不自得用是疾作更三稔滋劇將死泣顯父母曰兒命薄死無憾惟吾親之養不終銜恨入地耳

上同

若冰讀書工詩性愛梅華亭沈大成見其梅花詩爲更數字若冰喜曰真

吾師也遂問業稱弟子自是於楚詞漢書文選皆能成誦貫通其義

蘇州府志

臨終說偈云來從梅花來去向蓮花去來去本無心無相亦無住

正始集

淑儀案沈學子先生遊武林見女士梅花詩偶爲更訂數字女士見之喜

曰此真吾師也遂問業稱弟子先生往來吳中館其家常留惠徵君松崖飲女士入廚治具或以爲腆曰吾重惠先生之經學也他日戚有爲縣者飯其舍或又以爲儉曰若徒知取科名耳安得儕惠先生哉其能審輕重若此

孫鳳臺

鳳臺字儀九江蘇崑山人布衣大登女諸生吳宗萬室有水南繡餘草

大登字璫桴工篆隸儀九傳其家法尤長鐵筆深得漢人神趣

正始集

侯承恩

承恩字孝儀號思谷江蘇嘉定人旭女有盆山集松筠小草

思谷早慧髫齡卽有愁生明月夜人瘦落花天句

正始集

其詩多愁紅怨綠之句令人悲其志

練音初集

兼工小令善弈通琴理

名媛詩話

王珍

珍字慕貞江蘇鎮洋人馮策勳聘室

馮生早歿訃至慕貞臥三日不食以母在故強起依母以居越十有三年母

歿族人有欲奪其志者慕貞詞得實作詩五章卽自經死

正始集

劉運福